

前事不允○上自內班院移

御承政院以曲樓為寢殿以南大廳

為視事所○癸巳臺諫啓前事不允○是夜東方有氣如火○甲午臺諫

啓前事不允○義禁府奴莫同進告政院曰山陵軍人代立上佐者昨日

語余曰我來時借宿陵洞口人家其家主曰今此國用山原不合國葬

若葬則國家不利百姓亦不阜盛如兩班人安葬則吉矣又指今所穿

點穴處曰此處葬被大罪人而無塚形又曰廢朝時有一稱彌戶曹判

書人在逃登山吾作粥飯以饋之仍同宿今點穴處則多有凶夢云政

院啓曰今大事已定而無知之人遽興妖說以相傳播請推問治罪傳曰

浮言邪說不足信矣但國家則只用風水之說以卜此處而其人叢說

如此恐此事他人所不及知而此人有獨知之意其速拿來推問○乙

未臺諫啓前事不允○上佐招曰今月初三四日間衆伊梁守仁相與

飲酒而言曰今新山陵若葬兩班則可若國用則不利於上百姓亦

有害云且曰此穴曾葬凶終人而無塚形其子孫往往潛到行祭祀云時

吾乃聞知今月初六日有莫同稱各人以賣紙事到吾幕以衆伊與梁

守仁相說之辭傳語耳衆伊招曰前年正月有名不知着衲僧人與吾

相逢指今國用穴言曰此山雖上等前有卯山若國用則百姓必不阜